



А Ж Р И М

(даъво аризасини кўрмасдан қолдириш тўғрисида)

**Зомин тумани
сонли иш**

2022 йил 30 ноябрь

4-1303-2201/1972-

Зомин туманлараро иқтисодий судининг судьяси Ш.Х.Бегматов раислигида, судья ёрдамчиси Н.Абдазов котиблигида, Ўзбекистон Савдо-саноат палатаси Жиззах вилоят ҳудудий бошқармасининг даъвогар “РАХТАКОР ТЕКС” масъулияти чекланган жамияти шаклидаги қўшма корхонаси манфаатида жавобгар “SUNNAT CHORVALARI” масъулияти чекланган жамиятига молиялаштирилган ва қўшимча жавобгар “KEYBO LOSET SERVIS” масъулияти чекланган жамиятига таққослаш далолатномаси орқали ўтказилган 175 541 604 сўм молиялаштирилган қарздорликни ундириш тўғрисида берган даъво аризасини даъвогар вакили Т.Касимов (2022 йил 18 ноябрдаги 4-сонли ишончномага асосан) иштирокида, жавобгар ва қўшимча жавобгар вакиллари иштирокисиз, Зомин туманлараро иқтисодий суди биносида очик суд мажлисида кўриб чиқиб, суд қуйидагиларни

А Н И Қ Л А Д И:

Ўзбекистон Савдо-саноат палатаси Жиззах вилоят ҳудудий бошқармаси (кейинги ўринларда матнда “Палата” деб юритилади) даъвогар “РАХТАКОР ТЕКС” масъулияти чекланган жамияти шаклидаги қўшмакорхонаси (кейинги ўринларда матнда “Даъвогар” деб юритилади) манфаатида судга даъво ариза билан мурожаат қилиб, жавобгар “SUNNAT CHORVALARI” масъулияти чекланган жамияти (кейинги ўринларда матнда “Жавобгар” деб юритилади)га молиялаштирилган ва қўшимча жавобгар “KEYBO LOSET SERVIS” масъулияти чекланган жамияти (кейинги ўринларда матнда “Қўшимча жавобгар” деб юритилади)га таққослаш далолатномаси орқали ўтказилган 175 541 604 сўм молиялаштирилган қарздорликни ундиришни, мазкур даъво аризаси кўриб чиқилгунга қадар жавобгарнинг мол-мулкларига банд солиш бўйича даъвони таъминлаш чораларини кўришни, ишни Палата вакили иштирокисиз кўриб чиқишни сўраган.

Суднинг ажрими билан даъвогарнинг даъвони таъминлаш талаби қаноатлантиришдан рад этилган.

Суд мажлисида иштирок этган даъвогар вакили жавобгар ва қўшимча жавобгар билан медиатив келишув битимини имзолаганлигини, ушбу медиатив келишув битими судга тақдим этишини маълум қилиб, уни тасдиқлаб беришни сўради.



Суд мажлисининг вақти ва жойи тўғрисида хабардор қилинган бўлса-да, жавобгар ва қўшимча жавобгар суд мажлисига вакиллари иштирокини таъминламади.

Суд, Ўзбекистон Республикаси Иқтисодий процессуал кодексининг 127-129 ва 170-моддаларига асосан жавобгар ва қўшимча жавобгар вакиллариининг келмаганлиги ишни кўриб чиқиш учун тўсқинлик қилмаслиги қондасига асосланиб, уларнинг иштирокисиз ишни мазмунан кўриб чиқишни лозим деб топди.

Ўзбекистон Республикаси Иқтисодий процессуал кодексининг 131-моддасига кўра, тарафлар низони медиатив келишув битимини тузиб ҳал этиши мумкин.

Суд иш ҳужжатларини ўрганиб чиқиб, ишда иштирок этган тарафлардан даъвогар вакилининг фикрларини тинглаб, қуйидаги асосларга кўра даъво аризани кўрмасдан қолдиришни лозим топади.

Медиатив келишув битими даъво тартибидаги ҳар қандай иш бўйича тузилиши мумкин. Медиатив келишув биринчи инстанция судида суд алоҳида хонага (маслаҳатхонага) суд ҳужжатини қабул қилиш учун чиққунига қадар тарафлар томонидан тузилиши мумкин.

Ўзбекистон Республикасининг 2018 йил 03 июлдаги “Медиация тўғрисида”ги ЎРҚ-482-сонли Қонуннинг 15-моддасига мувофиқ, медиация тарафларнинг хоҳиш-истаги асосида қўлланилади. Медиация суддан ташқари тартибда, низони суд тартибида кўриш жараёнида, суд ҳужжатини қабул қилиш учун суд алоҳида хонага (маслаҳатхонага) киргунига қадар, шунингдек суд ҳужжатлари ва бошқа органлар ҳужжатларини ижро этиш жараёнида қўлланилиши мумкин.

“Медиация тўғрисида”ги Қонуннинг 16-моддасига асосан, медиацияни қўллаш тўғрисидаги келишув шартномадаги унинг таркибий қисми бўлган шарт тарзида ёки алоҳида келишув тарзида ёзма шаклда тузилади.

Медиацияни қўллаш тўғрисидаги келишувда тарафлар ўртасида келиб чиққан ёки келиб чиқиши мумкин бўлган барча ёки муайян низолар медиация тартиб-таомилини амалга ошириш йўли билан ҳал этилиши кераклиги ҳақидаги қоида бўлиши лозим.

Медиацияни қўллаш тўғрисидаги келишувда низо предмети ҳақидаги, медиация тартиб-таомилини амалга ошириш тартиби тўғрисидаги, медиация тартиб-таомилини амалга ошириш билан боғлиқ харажатларда тарафларнинг иштирок этиш шартлари ҳақидаги, медиация тартиб-таомилини амалга ошириш муддатлари тўғрисидаги маълумотлар бўлиши мумкин.

“Медиация тўғрисида”ги Қонуннинг 17-моддасига кўра, низо медиатив келишув билан медиация тартибида ҳал қилинган тақдирда, тўланган давлат божи қайтарилиши лозим, бундан суд ҳужжатлари ва бошқа органлар ҳужжатларини ижро этиш жараёнида медиатив келишув тузилган ҳоллар мустасно.

Ўзбекистон Республикаси Иқтисодий процессуал кодекси 107-моддасининг 1-қисми 5³-бандига кўра, тарафлар ўртасида медиатив келишув тузилган бўлса, иқтисодий суд даъвони кўрмасдан қолдиради.

Суд, тақдим этилган медиатив келишув битимини ҳамда иш ҳужжатларини ўрганиб чиқиб, тарафлар ўртасида имзоланган медиатив



келишув қонун талаблари асосида расмийлаштирилган деб топиб, даъвони кўрмасдан қолдиришни ва Ўзбекистон Республикаси Иқтисодий процессуал кодексининг 118-моддаси талаби асосида даъво ариза тақдим этишни олдиндан тўланган 24 000 сўм почта харажати жавобгардан даъвогар фойдасига ундиришни лозим топади.

Юқоридагиларга асосан ва Ўзбекистон Республикаси Иқтисодий процессуал кодексининг 107, 118, 127-129, 170, 131, 195-моддаларига амал қилиб, суд

А Ж Р И М Қ И Л Д И:

Ўзбекистон Савдо-саноат палатаси Жиззах вилоят ҳудудий бошқармасининг даъвогар “РАХТАКОР ТЕКС” масъулияти чекланган жамияти шаклидаги қўшма корхонаси манфаатида берган даъво аризаси кўрмасдан қолдирилсин.

Жавобгар “SUNNAT CHORVALARI” масъулияти чекланган жамиятидан даъвогар “РАХТАКОР ТЕКС” масъулияти чекланган жамияти шаклидаги қўшма корхонаси фойдасига 24 000 сўм почта харажати ундирилсин.

Ажрим қабул чиқарилган пайтдан бир ой муддат ўтгач қонуний кучга киради.

Ажрим қонуний кучга киргач, шу ҳақда ижро варақаси берилсин.

Ажримдан норози тараф бир ой муддат ичида шу суд орқали Жиззах вилоят судига апелляция тартибида шикоят (прокурор ишда иштирок этувчи шахснинг мурожаати бўлган тақдирда протест келтириш) қилишга ҳақли.

Раислик қилувчи, судья

Ш.Х.Бегматов

